

vrlo štetnih grinja (crvenog voćnog pauka *Panonychus ulmi*). Vlasnicima plantažnih nasada preporučujemo redovito u narednim danima pratiti njihovu brojnost, pa kada na napadnutim listovima ima više od 10 pokretnih grinja postoji opravdanost njihova suzbijanja. Moguće je nakon oborina u uvjetima povišene vlažnosti zraka koristiti Envidor SC, koji istovremeno smanjuje populaciju jabučne hrđaste grinje (*Aculus schlechtendalii*)! Osim abamektina (Vertimec EC) vrlo je učinkovit na ljetnu populaciju grinja iz skupine crvenih pauka noviji pripravak Zoom SC. Karen! ca navedenim akaricidima u jabukama iznosi od 28 (Zoom), 35 (Vertimec) ili čak 42 dana (Envidor).

Sva preporučena sredstva za zaštitu jabuka i krušaka koristiti prema načelima dobre poljoprivredne prakse, odnosno koristiti propisane količine ili doze. Ljetne sorte jabuka i krušaka više ne tretirati radi pridržavanja propisanih karenca.

U zasadima šljive pratiti brojnost opalih plodova usljed crvljivosti uzrokovane prisustvom šljivinog savijača, *Laspereyresia funebrana*. Leptir prve generacije leti u sumrak krajem juna mjeseca, čiji let je potrebno pratiti kako bi se odredio rok za primjenu sredstava kao kod jabukinog savijača.

U toku maja mjeseca na krušci je evidentirano prisustvo kruškinih buha (*P.piri* i *P.piricola*), a pojava *P.pirisuga* će se eventualno uslijediti početkom juna. Potrebno je prebrojati larve na grančici dužine 20 cm (5-10 larvi slab napad, 10-20 larvi srednji, 20 do 40 larvi jak napad, preko 40 larvi vrlo jak napad). U ovom terminu potrebno je provesti hemijsku zaštitu sredstvima: Thiodan, Thionex, Ripcord, Decis, Bilan, Lebaycid, Ultracid, Actellic. Kruškine buhe brzo stižu otpornost na pojedina hemijska sredstva, pa je prilikom primjene potrebno često mijenjati hemijska sredstva.

U zasadima jabuke, kruške i šljive evidentirano je prisustvo lisnih uši. Hemijsku zaštitu bazirati na intenzitetu napada (napadnut 1-3 mladara-srednji napad; 3-5 mladara- jak napad; preko 5 mladara- vrlo jak napad). Hemijsku zaštitu provesti primjenom sredstava: Basudin, Decis, Rogor i dr. Ovim insekticidima potrebno je dodati jedan okvašivač radi boljeg prijanjanja kao: Sandovit, Pinovit, Radovit.

30.maj 2012. godina

Izvještajno-prognozna služba